



# КОМСОМОЛОНЪ ВАЙГЯЛЪ

ВЛКСМ-нь МОРДОВСКИЙ ОБКОМЪ И САРАНСКИЙ ГОРКОМЪ ГАЗЕТАСНА

МАЙТЬ  
24-це шистонза  
1941 кизоня  
58(1804)  
Питнец 10 тр.

## ТИЕМС ПОРЯДКА ЧЛЕНСКИЙ ВЗНОСНЕНЬ ПАНДОМАСА

Комсомольский членский взносень пандомасна сувафни эрь ВЛКСМ-нь членти аккуратность, ответственность чувств, тиендсазъ сонь дисциплинированнаикс.

ВЛКСМ-нь ЦК-ть XI пленумоц обязал комсомолонь райкомтнень, горкомтнень и первичнай организациянь секретарьхнень цебарьгофтомс работать членский взносень пандомаса, машфтомс безразличнай отношениать комсомольский взносонь пандомаса, тиесм тя тевса порядок, регулярнаиста проверакинмес, кода пашкотькшнесазъ эсь обязанностьсон комсомолце не. Пингта ВЛКСМ-нь Центральнай комитетть XI пленумдонза меле ётась лама.

ВЛКСМ-нь Мордовский обкомъ бюроц 1940-це кизонь ноябрь ковть 5-це шинц эзда, кулхцондомок ВЛКСМ-нь койкона райкомонь и горкомонь секретарьхнень отчетсон членский взносень пандомаса порядкатъ колга, лихнесъ решения, штоба систематически проверакинмес членский взносень пандомасон.

Но ВЛКСМ-нь обкомъ бюронц тя решения лама райкомонь и горкомонь мархта аф пашкотькшнени. Членский взносонь пандомаса нинге мушениды эштейна васта штурмовщинась. Тянь сюнеда койкона комсомолце 4—5-нь ков аф павнесазъ членский взносон. Улендихть и стама фактт, мзярда первичнай комсомольский организациянь секретарь, кочкамок членский взносень, аф максесыне синь сберкасса. Тяфтама фактне мушенидихть эштейн оцю васта Ардатовский районца. Апрель ковста 79 организация эзда членский взносон пандозъ анычек 33 организация. А райдравонь, уполнаркомзагонь комсомольский организациятнень секретарьсва ашеть кочкес взност ниле ковокса. Тя безответственность и аф дисциплинированность каршес ВЛКСМ-нь райкомс мянь тячимс ашезь прима кодамовок мерат.

ВЛКСМ-нь Мордовский обкомс 1941-це кизонь васенце кварталста членский взносонь

пандомаса работать колга кулхцондозень ВЛКСМ-нь Рыбинский райкомъ и Саранский горкомъ. Тя кизефкть колга решениясь вешсь ВЛКСМ-нь сембе райкомтнень ширде, а сембода пяк ВЛКСМ-нь Саранский горкомъ секретаренц Потемкин ялгать ширде, штоба машфтомс апрель ковста сембе задолженность ошень организациява, тиесм порядок членский взносонь пандомаса. Но горкомс тя решения пашкодеманцы отнесся безответственнаиста. Улихть стама комсомольский организациянь секретарьхть, конат ашезь машфта задолженностьсон, касфтозъ сонь. А ВЛКСМ-нь Саранский горкомс ашезь вешесянь, штоба первичнай комсомольский организациятне аккуратнаиста паннелезь членский взносень. Пенькокомбинатонь комсомольский организациянь секретарь Барабанова ялгась аф тюри сянь инкса, штоба машфтомс марнек задолженность, няфтьс тя тевть пашкодемаса беспомощность и растерянность.

Эряви шарфтомс серьезнай мяль членский взносень пандомасонды ВЛКСМ-нь Мельчанский, Сире-Шайговань, Теньгушевский райкомтнени, сяс мес ня райоттнень эзга членский взносень пандомаса ули оцю задолженность, тевсь мольтевни штурмовщинаса. ВЛКСМ-нь райкомтнень ревизионнай комиссиясна сянь васте, штоба аккуратнаиста ваномс членский взносень пандомасон мелге, синь мезевок аф тиендихть, эсь обязанностьсон пашкодемаса няфнихть халатность, благодушия.

Задачась ащи сянь эса, штоба маластонь пингти машфтомс ня аф сатыксонь и сатомс сянь, штоба эрь первичнай комсомольский организациясь аккуратнаиста паннелезь членский взносонзон. Пинге ни шарьхкодемс ся, што комсомольский взносне кирдихть оцю воспитательнай значения. Лама райкомт аф примосихть решительнай мерат ся комсомольский организациянь секретарьхнень и комсомолечнень каршес, конат нарушавдакшнесазъ ВЛКСМ-нь уставть.

## НАСЕЛЕНИЯТЪ ДОХОДОНЗА ЗАЙМАТНЕНЬ ЭЗДА

1941 кизотъ пенцты самс ули ётафть выигрышень 18 тираж государственнай займатнень коряс.

Тирашне кармайтъ ётнеме Петрозаводская, Одесса, Уфаса, Читаса, Мурманский, Львовса, Новороссийский и лия областной центратнень эзга.

Государственной займатнень облигациясон коряс выигрышень и процентнень инкса сберкассатне пандыхть кизодакзос сяди и сяди оцю суммат. 1941 кизотъ васенце кварталстона сберкассатне пандеть 331,8 миллион цалковай—

весть и пилексть сяди лама, чем ётай кизотъ тяка жа пингстонза.

Иск Омскийса ушедсь ССР-нь Союзть Оборонац кемокстама займатъ 14-це тираж. Тиражъ эса ули налкхф 32.650 выигрыш 52 миллион 51 тежянь 300 цалковайнъ сумма, нятнень ётка 53 выигрыш 3.000 цалкойвай кажнайсь, 265 выигрыш тифтевь тежянь цалковай, 2.650 выигрыш 500-нь цалковай, 53.000 выигрыш 200-нь цалковай и 264.682 выигрыш 150-нь цалковайнъ кажнайсь.

(ТАСС).



СНИМКАСА: Саранск ошень 15-це № средний школань учительница Грacheва ялгась. Сон сатс эсь дисциплинац коряс оцю успеваемость.

Фотосъ Ивенинтъ.

## ИСПЫТАНИЯТНЕНЬ МОЛЕМАСНА

### КОДА САТОЗЕ ОЦЮ УСПЕВАЕМОСТЬ

Оцю успеваемость сатомани-ты эряви лама заботендамс. Заботафтома, виинь апац пут аш кода арьсесма школьник-нени прочнай содамашинь максомать колга. Успеваемость касфтомац ламода зависит и дисциплина эзда. Кона клас-са дисциплинась кеме, тоса и учащайхне цебарьста содасазь программатъ коряс ётаф материаль.

А тя сембе эряви тиесм учительти. Сонь лангозонза путф оцю ответственность касыкс поколениати образовани-янь максомаса и сонь комму-низмъ духса воспитандаман инкса. Тянь шарьхкотькшнесы 15-це № средний школань учительница Грacheва Серафима Николаевна.

Сон работай 5—6-це клас-сень эса историянь препода-вателькс. Тя од учительница-с комсомолкась путни лама ви-йда сянди, штоба школьникнень эзда касфтомс родинати достой-най лomatъ. Сонь эздонза ся-вонди пример сембе препода-вательский составсь, пользо-вандай уваженияса ученикнень ширде. 1940—41-це тонафне-ма кизотъ васенце четвертьста 5—6-це классень эса история дисциплина коряс успевае-мость ульсь 90 процент. Эста Серафима Николаевна карма-сь арьсешнема сянь лангса, ко-да сатомс успеваемость сяди оцю процент, штоба эрь школь-никс содалезе цебарьста про-граммнай материалъ. Тянди эрявсь лама. Сон сувафть ит-тенди историять тонафнема-интерес, кельгома. Тя сат-невсь урокнени тщательнаиста анокламань, материалъ шарьх-кодевиаста азондомань вельде. Преподаваниять качестванц це-барьгофтоманц мархта ряцк-пак касс итнень интересна-тя наука, кармасть сяди оцю-мяльса кулхцонкшнема уро-кнень эса.

Но вов малаткшни тонафне-ма кизотъ пец. Эста Серафи-ма Николаевна повторяндазе семое материалъ, мезе ульсь ётаф. Повторениясь няфтезе, што ученикне ётаф мате-риаль содасазь аф кальдя-ста. 5—6 классень эса испы-таниятнень история коряс аш, а улихть анычек зачетт. Ня зачет-тнени ученикне анокласть сем-бе вииса. А Серафима Николае-нась сянь инкса, штоба цебарь-сатфксса аделама тонафнема кизотъ, ётафнесь дополнитель-най занятия, максесвь баш-ка ученикнени заданият. И-тя работати результаткс арась-ся, што тонафнема кизотъ эде-лавсь 98 процентнай успевае-мостьса. Ся ученикнень мар-хта, конат история дисципли-на коряс ашезь макс за-четтнень, кизонда кармай ётаф-невома оцю работа, штоба синь афольхть иляда второгдни-кокс.

Учительсь максис аф анычек образования, но ащи воспита-телькс. Серафима Николае-нась пашкотькшнесы образцо-вайста и воспитателень эсь ро-лени. Сон ащи пионервожа-тайкс. Вяти оцю работа ит-тнень коммунизмъ духса вос-питаниясост.

Пяк цебарь ся, што тя од учительницати максис оцю лезкс школань директорсь и учебнай частень заведущайсь. Синь максихть эрь шиня прак-тический лезкс, тонафтыхть эсонза педагогический мастер-ствати.

Грacheва ялгась фалу касф-несы эсь идейно-политический уровененц и келепнесы общай кругозоронц, лувонды лама по-литический и художественнай литература. Аф кальдявста касфнесы эсь квалификаци-янци, ащи заочницакс Мордов-ский пединститутса.

Киселев.

### Работатне сёрматф эльбятъксфтома

Сась пингсь, мзярда школан-никс няфнесыне содамаши-зон, конатнень сон тонадозень кизоста. Школьникс, кона це-барьста анокласть испытаният-нени, верондай, што сонь от-меткаи ули отличнай или це-барь. Саранск ошень 15-це № школань аф кржа ученик тя-фта арьсезь мольть испытани-ятнень максомс. Эрь ученикс содасы, што испытаниятнень эзда няеви, кона ученикс ра-ботась программнай материалъ тонафнеманц лангса честнаиста и добросовестнаиста.

Тя школса 6-це «А» и «Б» классень эса васенце испыта-ниятне ётафтовть рузонь кя-ласа. 62 ученик сёрмадсть конт-рольный работа. Рузонь кя-ласа преподавательница Кили-на Антонина Владимировна ом-боце шинякиге проверендазень контрольный работатнень. Ре-зультатне аф кальдифт. 62 ра-ботат эзда 25-тне сёрматфт цебарьста, вететне отличнай-ста, посредственнаиста сёрматф 28 работа и ниле ученик по-лучасть кальдяв отметкат.

Отличнаиста, пятай фкявок эльбятъксфтома работасон сёр-мадозь Свешниковсь, Баринава Клавдия, Юдинъ, Маркинъ. Цебарь работань сёрмадхнень ётка Четверговась, Дерюгинась, Трофимовась, Старостинъ, Ря-бовсь, Куликовась и лият.

Касфсоне класса ульсь лите-ратураса контрольный работа. Ученикне сёрмадсть сочинения. Темась, няфтемс «Евгений Оне-гин» романта Татьянать об-разонц. Тевсь аф тежда. Но ученикнень инь ламосна сочи-нениясон сёрмадозь отличнай-ста и цебарьста. Тузина Анто-нинась, Казакова Нюрась, Ми-шин Костясь сочинениясон сёрмадозь цебарьста.

И. Белов.



## ВЕТЕ ОТЛИЧНОЙ ОТМЕТКА

Пингс кафта частт. Шко-  
ласть праздничнайста наряжаф.  
7-ие «П» класса деловой об-  
становка, стенатненъ эзга гео-  
графический картат. Шарь-  
котф, што туса испытани-  
не молихть географияса. Уча-  
щайхне ванить Северьян Пав-  
лович Землемеров учительснон  
аноклаф билетонзон лангс.

Васенце билетненъ сязовъ  
Фартушинов, Васильева, Анд-  
реев и Афоничкин ученикне.  
Серьезна арьсеом кизефксенъ,  
Афоничкин Юрийсь энялди,  
васенцекс отвечае кизефксен-  
ди. Сон последовательна азон-  
дозна Советский Союзса озе-  
ратненъ, цебарьста отвечае и  
илды кизефксендивок.

Мельганза лисеь картати  
Андреев Ванясь. Сон няфтезень  
картаса полустрофненъ, конат  
омываються Каспийский морять  
мархта, Советский Союзонъ пор-  
товой ошненъ и стактов. Ульсь  
шарькотф, што Ванясь це-  
барьста содасы материалъ.

Фартушинов Винаминъ гео-  
графияса сембе кизотъ тонаф-  
ненъ отличнайста, а испыта-  
ниатненъ эса кой-кона кизефк-  
сенди отвечае аф правиль-  
найста. Прибалтийский госу-  
дарственнъ колга кизефкети  
ответсозна полдась лама аф  
точнестъ. Тя лисеь сяс, мес  
сон калдывста аноклаеь испы-  
таниатненди.

Лама учащайхне тиендихть  
аф правильной выражений.  
Берхтамон Крымса ошненъ кол-  
га, Васильева Вальясь Федосия  
валъ васте азсе «Федосея». Ти-  
ханова Марьясь аф правильной-  
ста азондосне валхненъ. Си-  
донга калдывста азондосне  
валхненъ Кулагина Шурась.  
Шестъ валъ азозе «шастом»,  
«шашнадиать» и стак тов. Сон  
отвечае аф обдуманнайста и  
получаеь калдыв отметка.

Цебарьста отвечаеь Карягин  
Павельсь, Руженцов Игорьсь,  
Шушканова Лидась, Чашников  
Павельсь. Сияь содамшисна за-  
служивають отличнай отметка.  
Сияь отвечаеь последователь-  
найста и шарькодевиства. Аф  
калдывста ориентируются кар-  
таса. 19 ученикть эзда ветет-  
не получаеь отличнай отмет-  
кат, кототне отвечаеь цебарь-  
ста, сисем учениконди путф  
«цесредственно» и фкия ученик  
отвечаеь калдывста.

А. Абакумова.

## Второгодникт аф улихть

Сире Забerezовский началь-  
най школанъ нилеце классонъ  
ученикненъ мархта Федоткин  
ялгась вать и вати оцю ра-  
бота, штоба максоме иттенди  
прочнай содамаши. Нилеце  
классонъ ученикне эсь пингс-  
тонза аделазь программнай ма-  
териалъ ётамани. Тяда меле  
кярмодеть испытаниатненди  
аноклама. Повторили сембе ма-  
териалъ, ётафневсть дополни-  
тельной занятият, консульта-  
цият. Фкия валса азомс—испы-  
таниатне васьффт достойнай-  
ста аноклафста.

И виде, анокламанъ работась  
максесыне эсь результатон-  
зон. Испытанианъ васенце ши-  
на лама ученик сатеть отлич-  
най и цебарь отметкат. Мож-  
на верондамс, што тя класса  
аф ули фкиявок второгодник.

Шиндяйкин.  
Краснослободский район.



СНИМКАСА: Е. Э. Леонтиева учительница и ассистентс Н. И. Писклигин, класснай руко-  
водителъ А. Н. Карелова примайхть испытаниатненъ литературать коряс.

Фотосъ Ивенинтъ

## Кафта комсомольский организацият

Сире Рябкинский велень со-  
ветса кафта колхост: Куйбы-  
шевть лемса и «Светлый путь».  
Ня колхосненъ эса улихть ком-  
сомольский организацият.  
«Светлый путь» колхозонъ ком-  
сомольский организациясь лу-  
вондови районца эсь работанц  
коряс инъ цебарькс (органи-  
зацият секретарец Якунин  
ялгась). Васендакие эряви  
азомс сян, што тя организа-  
циясь аккуратнайста пашкотъ-  
кшнесыне эсь решениязон.  
Тя аккуратностъ и дисципли-  
нированностъ тиендесь орга-  
низацият работанц живоекс.  
Март ковста комсомольский со-  
браниясь лихтьфоль решени-  
а обороннай работать цебарь-  
гофтоманц колга. Тя решени-  
ясь лездсь военно-физкультур-  
най воспитаниат коряс рабо-  
тать цебарьгофтоманц. Тяда  
меле аноклаф ПВХО-нь 22 знач-  
кист, ГСО-нь 10 значкист. Ла-  
ма комсомолец и од ломанъ  
максозь ГТО-нь значокс тя-  
лонъ норматненъ.

Аф пях кунара комсомолец-  
не тистъ порядка улычатненди.  
Тяса максевихть комсомолец-  
ненди порученият, конат паш-  
котъкшневихть пях аккурат-  
найста, полневихть стенной га-  
зетат, цебарьста ладыф само-  
деятельностень работасе. Тяни  
комсомолецне эсь виисот кяр-  
модеть физкультурнай площад-  
канъ тиемати.

Тунданъ видемаса комсомо-  
лецне примсхть активнай  
участия. Лешев, Якунин и  
Клоков комсомолецне ватье и  
мольфтихть колхозникненъ ёт-  
са агитационнай работа. Ком-

сомолецне-колхозникне Звездин,  
Шигавин няфнихть трудонъ  
оцю производительностъ, паш-  
котъкшнесазь норма сно и  
140—160 проценте.

Йофси лиякс тевсь ащи Куй-  
бышевть лемса колхозонъ ком-  
сомольский организацияса. Ком-  
сомольский организацият сек-  
ретарец А. В. Лаптева ёфси  
аф заботендай сян инкса, што-  
ба цебарьгофтомс комсомоль-  
ский организацият работанц.  
Ашель вестенге пцтай стама  
случай, мзярда ба комсомоль-  
ский собраниять решеният  
пашкодеволь марнек.

Пях лафчста ладыф комсо-  
молецненъ воспитаниясна, по-  
рученият аф максевихть, кда  
и кой-мзярда максони, то сонъ  
пашкодемац аф проверявше-  
ви. И собраниятне ётнихть ёл-  
ма идейно-политический уро-  
веньца. Башка комсомолецне,  
кода Кадыковсь и Кузнецовсь  
комсомолонъ членке примафт  
вов ни кизошка, а комсомоль-  
ский билетт ашестъ получа-  
членский взност вестенге  
ашестъ панне.

Комсомольский собраниясь  
лихнесь решения изба-читаль-  
нят работанц цебарьгофто-  
манц колга, но сон тачимс аф  
пашкотъкшневихть. Тя решения-  
са сёрматфоль, штоба Зубков  
комсомолец ладилезе струн-  
най кружокть работанц, а  
Лаптевати цебарьгофтомс хор-  
кружокть работанц, но сянъ  
решеният пашкодеманц инкса  
мезевок ашестъ тие.

И. Матвеев.

Сире-Синдровский район.

## Касфнесазь содамашиснон

Республиканский политпрос-  
ветшколанъ комсомолецне пях  
серьезнайста тонафнесазь мар-  
ксизманъ-ленинизманъ основат-  
ненъ.

Комсомолецне Веретенни-  
ков В., Тагашев М., Лосева Е.,  
Дементьев А. и лия тие  
«ВКП(б)-ть историянц краткай  
курсонц» тонафнеманц аделазь.  
Нят ялгатне тяти работайхть  
первоисточникненъ тонафнемас-  
нон лангса.

Кода правила ня комсомо-  
лецне политический содамас-  
нон цебарьста сочетают шко-  
ласа отличнайста тонафнемать  
мархта, сянъ сембе тонафнихть  
аньцек цебарьста и отличнай-  
ста.

«ВКП(б)-ть историянц крат-  
кай курсонц» самостоятельна

тонафниензон мархта сидеста  
ётафневихть ялганъ собеседо-  
ваният. Мекольденъ собеседо-  
ваниясь ётаффт «Философские  
предшественники марксизма»  
темас коре. Тя собеседованият  
эса примастъ участия сембе  
комсомолецне. Собеседованият-  
не ётнихть активнайста.

Сави азомс, што школаса  
нинге улихть стама комсомо-  
лец, конат содамашиснон аф  
касфнесазь. Комсомольский ко-  
митетонъ членъ Каретниковъ,  
комсомолецне Ибряковсь, По-  
лозовась нинге сембе тонаф-  
нихть васенце главать эса.  
Сянъ тяфта жа калдыв ке-  
потъкт няфнихть школаса то-  
нафнемосовок.

З. Вельмискин.

Краснослободск ош.

## КАФТА СЪОРМАТ

Кирдяшкин Степанъ ашесъ  
спраснон ваксса и аноклаеь  
испытаниатненди. Сон жаднай-  
ста лувондосне книгаста стро-  
катненъ и арьсекшнесы эрь  
строканяты, мезе сонъ эсонза  
азф.

Вдруг кие-бди покорфтсь  
валыма глянциати:

— Фу, тага кати-кие катф-  
тозе палеста арьсемазень, арь-  
сесъ Степанъ,—и шарфтсь  
покорфтыть шири. Сонъ кар-  
шезонза мзодлесь сёрманъ кан-  
нисъ Ульмовась и венепть  
тейнза сёрма. Сёрмать фкия  
ужесонза «военнай»  
штамп. Степан сразу шарь-  
хкодсь, што тачъ кучезе бра-  
донц Андрейсь, коцац служай  
Якстеръ Армияса противотан-  
ковой артиллерияса младшай  
командиркс.

Панжезе эряскодозь кон-  
вертть и кармась сон лувомс.  
Андрейсь сёрмалсь эсь эря-  
фонц колга, кизефнесъ, кода  
эряйхть велеса, мезе одня ули.  
Сёрмась аделавсь тяфтама  
валса:

«Надияда лангозонк—кода-  
мовок враг аф полдатама ро-  
динаньконъ панжи эряфонц ко-  
лама. Кда сай врагсь модать  
ланга, меки прважасазь кожф-  
ка».

Сёрмать лувомода меле Сте-  
панъ сёрмалсь ответ бранон-  
цы, коса сон тяшти:

«Мон надиян, што тон честъ  
мархта пашкодъсак максф на-  
казоньконъ — улеме мельденъ  
вярценъ прамс честнайкс, пре-  
даннайкс родинати. А мон,  
брат, туса пашкотъкшнесайне  
сембе комсомольский поручени-  
ятненъ. Тяда тонафнян ань-  
цек отличнайста. Мельган аш-  
фкиявок замечания аф школанъ  
администрацият, аф комсо-  
мольский организацият шир-  
де. Тяни школасонк молихть  
тунданъ проверочнай испыта-  
ниатне. Мон надиян, што сянъ  
максайне отличнайста и ке-  
монце классть аделаса аньцек  
пятеркаса. Сай сёксеня монга  
аран воинкс социалистический  
родинати, максонъ заявления,  
штоба прималемазь военнай  
школав».

Степанъ юкстазе тяштеме,  
што сон Краснай Армияв мо-  
ли анокста.

Тя сёрмась лии гуленякс  
бранонцы и кеярьфтсь сонъ  
эсь простой, ламбе валонзон  
мархта. Вас. Кирдяшкин.

Пашад веле, Пурдошанский  
район.

## ПЕРЕДОВОЙ ТЕХНИКАТЪ ИНКСА!

## ТОНАДСАСЪК ЛУНИНСКИЙ МЕТОДЪ

Лунинский методъ железно-  
дорожникть работас сувафто-  
мац кирди пях оцю значения.  
Тя методъ сувафтомац веши  
неме дисциплина, паровозть и  
станокть мельге цебарьста  
якама.

Лувомок тачъ, Рузаевский  
депонъ комсомольский органи-  
зациянъ комсомолецне кяр-  
модеть сянди, штоба тонадомс  
лунинский методъ и суваф-  
томс эсь работаснонды. Ламоц  
комсомолецненъ эзда тя тевть  
ни тонадозь. Кепотъксонди  
можна сязомс 708—57 комсо-  
мольский паровозть, коса стар-  
шай машинистне Малышев,  
Белянушкин и Рыжов эсь  
бригадаснон мархта, сувафто-  
мок эсь работазост лунинский  
методъ, няфнихть трудонъ оцю  
производительностъ, аф тиен-  
дихть брак.

Но комсомольский организа-  
циясь транспорте передовой  
техникат инкса тюри нинге  
лафчста, аф максси сатомшка  
лезкс комсомолецненди од тех-  
никат тонадомаса, квалифи-  
кацияснон касфтомаса. Тянь  
сюнеда и кой-кона комсомолец-  
не работайхть калдывста.  
4289 № паровозса работай  
Мухаев, Козицин комсомолецне  
сувафтозъ эсь работазост лу-  
нинский методъ. Но сонъ то-  
надозь калдывста. И сяс нол-  
нихть брак.

ВЛКСМ-нь комитетти эряви  
шарфтомс сатомшка мяль ком-  
сомолецненъ технический обра-  
зованияснон, квалификациис-  
нон касфтомаснон шири.

Беспалова.

## Экономический образованият инкса

XVIII Всесоюзной партийнай  
конференцияда меле производ-  
стванъ комсомольский активсь  
пях оцю мяль кармась шарф-  
нема экономический образова-  
нияти. «Дубитель» заводонъ  
комсомольский организациясь  
мекольденъ пингть производ-  
стванъ экономикать, производ-  
васа экономиять, 1941 кизонди  
техпромфинпланъ коряс ёта-  
фтьс колма занятият. Нят те-  
матненъ тонафнемста комсомо-  
лецне няфнесъ оцю активностъ.  
Сянъ выикали тевть эрь дета-  
ленцы, тача пингета лихнесъ  
аф сатыксненъ работаса.

Комсомольский комитетъ сек-  
ретарец Саухин ялгась комсо-  
молецненъ волнующай кизефк-  
снон решандакшнесыне марса  
инженерно-технический персо-  
наль мархта. Тяни комсомоль-  
ский собраниятненъ эса прим-  
схить участия технический ди-  
ректорсь, главнай механиксъ,  
плановой отделъ начальникоц  
и лиятне. Сянъ комсомолецненди  
фаула максихть эрявикс  
лезкс. Маластонъ пингть пла-  
новой отделъ начальникоц  
Цуканов ялгась комсомолецненди  
луви лекция «Организация  
труда и зарплаты» темас коре.

Тяфтама лекциятне ламода  
касфнесазь комсомолецненъ  
производствать и планирова-  
ният эса содамашиснон, коцац  
пях лездъ тейет работаса уликс  
аф сатыксненъ машфтомаса.

С. Сумовская.

Зубово-Полянский район.



## УЛЕМС ВАСЕНЦЕ РЯТТНЕНЬ ЭСА

Партиясь и правительствася пугать велень хозяйствать ин-голи ответственной задаче—сатоме тя кизоня сталинский урожай, касфтомс колхознай животноводствать продуктивностенц.

Тундань видемать эсь пингстонза и цебарь качества етафтомас ащи фля условияс, конад обеспечендакшнесы оцю урожайть получамац. Партиясь и правительствася вешихть, штоба тундань видемать етафтомс кирьфтаф срокста и цебарь качества. Тя серьезнай ответственность колхозонь, совхозонь и МТС-нь комсомольский организационень лангс.

Лама комсомольский организация няфтьс оцю забота тундань видемать етафтомаса, комсомолецне работаст паксынь работатненъ эса, няфнемок пример колхознай од ломаттненди. Саранский райононь «Маяк революции» колхозонь комсомольский организационь максси оцю лезкс колхозти паксынь работатненъ етафтомаса. Комсомольский виийсь ульсь путф работань нъ важнай участктненди. Колма комсомолец работаст плугарькс, кафта комсомолец пинасть и стак тов. Выработкань нормасон пашкоткшнесазь вельф. Комсомольский организационь секретарец Шинюков ялгась и иляды комсомолецне вятихть колхозникненъ ёткас массово-разъяснительнай работа, азонкшнесазь ВКП(б)-нь XVIII-це конференциять решениянзон, колхозникненди трудсон инкса до-полнительнай пандомать колга ВКП(б)-нь ЦК-ть и СССР-нь Совнаркомть постановленияс-нон.

Сембоц Саранский района видемаса примоси участия 260 лама комсомолец. Синь эздост 160 комсомолец работай плугарькс. 80 лама комсомолец видесь и инзася. Ардатовский района паксынь работатненъ эса работай 350-шка комсомолец. Баевский велень советонь «Ударник» колхозса 11 комсомолец эзда сокайхть

и инзайхть кафта ломатть, конат пашкоткшнесазь и вельф пашкоткшнесазь выработкань нормасон. Видись Кудашкин комсомолец витнекшни эршина 6—6,5 гектаронь 4,5 гектархт нормат васте, сокамста комсомолецне нормасон тифта жа пашкоткшнесазь 110—120 процентс.

Но комсомолонь кой-кона райкомте и комсомольский организационте калдывста организовадакшнесазь комсомолецне и аф союзнай од ломаттненъ видемаса активнай участиянь примамати. Ельниковский района 187 колхозник-комсомолецне эзда паксынь тефненъ эса работай аныпек 40 ломань. ВЛКСМ-нь райкомс и сонь секретарец Журавлев ялгась ёфси аф занимадондакшни колхознай производстваса комсомолецне виийсн расстановкасн мархта. Тяс колхознай и МТС-нь комсомольский организационень работасна поддаф эсь отям молемати. Тя района лама комсомольский организацион мирендакшни виде маса, сокамаса бракт, тракторхненъ и сеелкатненъ простойсн, тягловай виить аф сатомшкаста использовандаманц мархта. Тянди примеркащи «1-е мая» колхозсь, коса председателкс работай комсомолец Вихляев ялгась. Видихне и сокайхне выработкань нормасон ламода аф пашкоткшнесазь, сокайхть фигурна, видмотне 20—30 процентс аф кяшендевихть, аф сембе алашатне использовандакшневихть видемаса, работама ушеткшнихть поздна, паксыя работай колхозникненъ ёткас кодамовок агитационнай работа аф мольтеви. Комсомольский организационь секретарец Родина ялгась равнодушнайста ётни ня безобразиятненъ вакса.

Од Ямской МТС-нь тракторнай бригадань бригадирс Саитов комсомолец полни ёткт, аф использовандакшнесыне полнайста тракторхненъ мощностсн, эрсыхть простойхть.

Комсомолец Самылин тра-

ктористь, работамок аныпек фля част, расплавил тракторть подшипниконзон и тись простой тьян сюнда кафта суткат.

Эрви ВЛКСМ-нь райкомти и сонь секретарец Журавлев ялгати няв маластонь пингть примамс мерат азф аф сатыкшенъ машфтомасон инкса. Тачимс нинге лама комсомолец иляткшни второстепеннай тефненъ эса работама и лия райоттненъ эсовок. Кой-кона райкомте аф удовлетворительнайста вятихть руководств колхознай и МТС-нь первичнай комсомольский организационте лангса. Эрви тачикиге жа етафнемс комсомолецне второстепеннай работатненъ эзда ответственной участктненди. Синь эздост ламотне должет работамс бригадатненъ, звенатненъ и ферматненъ эса. Вишкотеми социалистический соревнованиях тракторист-комсомолецне и од ломаттненъ ёткас, апа лотксек вятемс агитационно-массовой работа, азонкшнемс трудящайн кели массатненди XVIII-це Всесоюзной партийнай конференциять решениянзон, партиять и правительствать решениясн. Мобилизовандамсембе комсомолецне, од ломаттненъ и колхозникненъ выработкань норматненъ пашкоткшнесазь и вельф пашкоткшнесазь, простойхненъ машфтомасонды. Эрви нолнемс стенной газетат, конатненъ эса няфнемс стахановскийста работай колхозникненъ опытнон.

Тяни, мзярда кирди оцю значения аф аныпек шись, но эр частсь, эрви вишкотеми тюремать колхозненъ, МТС-нь эса трудовой дисциплинах кемокстаманц инкса, штоба полнайста использовандакшневоль эр рабочей шись.

Видемс вишкста и цебарь качества, навестать имафтф пингть, машфтомс видемаса фталу илядомать—тяфтапт комсомольский организационте боевой задачасна.

Н. Славкин.

## СТАХАНОВСКИЙ РАБОТА

Самовольевский МТС-нь (Бовылкинский район) трактористне-комсомолецне цебарьста шарьхкодемк XVIII Всесоюзной партийнай конференциять решениянзон, видемань васень шитненъ пингстакиге кармасть няфнема трудти социалистический отношениян замечательнай образец.

Комсомолец К. Силкин «СТЗ-НАТИ» трактора майть 8-це шистонза сокас 8,4 гектархт.

Омбоце шиня сон тьяка жа тракторть эса сокас 10,1 гектархт. Силкин ялгась тяни эр сменати 7,6 гектархненъ васте сокси 12,5—13,7 гектар.

Грудонь замечательной образец няфни комсомолкас, 1941 кизоня ВСХВ участниконди кандидатс Болдова А. М. ялгась. Сон «УН-2» трактора норматненъ пашкоткшнесыне 150—180 процентс. Аф калдывста работакшни комсомолкас Мураткина ялгась, конад тифта жа шинь норматненъ пашкоткшнесыне 120—140 процентс.

Ня ялгатненъ мархта тиф работатненъ колхозне примсезь отличнай оценкас.

Няфнемок трудонь оцю производительность, Силкин, Болдова и Мураткина ялгатне правильна и эсь пингстонза тракторсонды тиендихть технический осмотрохт. Тянь вельдсн тракторсна фалу работакшнихть апа атказак.

Ня ялгатне производстваса стахановецокс работакшнемда башка трактористтненъ ёткас вятихть оцю массово-разъяснительнай работа. Лувондовихть тракторнай бригадаса лучшей агитаторкс.

Минь МТС улихть и ста-

ма комсомолецка, конат работаса ёфси аф няфнесазь эсь авангарднай рольсн. Например, Лескина Е. Я. комсомолках тракторон аф эрий сняра пинге работаса, мзярс ащекшни апа работак. Тянь сюнда Лескинась норматненге аф пашкоткшнесыне.

Емелькин,

МТС-нь первичнай парторганизационь секретарец.



Вазнятненъ мельге якамаса Инсарский школань шефне.

СНИМКАСА: Кержи ширде видити. Васенце рядса—Д. Чумаковас, М. Головас, Л. Лискинась. Омбоце рядса—Н. Казанцевас, Т. Дурневас, Л. Бакулинась, А. Болдинась и лиятне.

## Критика и библиография

## „Н Ю Д И“

Федор Дурновонь печатся стихонза кармасть эвондакшнем 1935 кизоня. Сон васенце «Веселай те» стихонза морасы марстонь оцю виить, паксынь веселя работать. Поэтс марстонь трудть колга сёрмады:

«Кода дружна  
Тячи тяс  
Лакась эрек  
Марстонь те вьсь!  
Тяни апа  
Покак ащезь  
Аныпек кирдель  
Була кевсь».

1941 кизоня Дурновонь вете жизонь сёрмафт стихонзон эзда Мордовский государственнай издательствася поддась сборник «Нюди» загаловка ала.

«Нюди» сборниксь, конань колга сави корхтамс тя статьяса, ащи авторть творчестваса васень аськолксокс: сон няфтьсине авторть сатфксонзон и аф сатыксонзон. Сборникть эса 21 оригинальнай и 10 рузонь кяльста етафтф произведенийт. Оригинальнай стихонза явондовихть разнай жанрава: лирическийхть и эпическийхть, бас-

нят и частушкат.

Кда вьре азф «Веселай те» стихонза трудсь няфте вьсь аф сяшкава валдста, схематичнайста, то «Лучсь и шамонц» стихотворениясонза авторсь сати сада оцю, ви художественнай краскат; тя стихотворениясь ащи аделаф художественнай произведениякс. Тяс оцю художественнай вийса няфтьф ударничасть Аксать образон и тейнза лодырь Карпань противоположнай образон. Авторсь сёрмады Аксать работанц колга:

«Илештьф кяденза  
Сонь лиендсть,  
Лиезь ёндолонь  
Кит тиендсть».

Аксань работац ащи примерс сембе колхозникненди. И мзярда Карпань стирьхне ушодозь рахсемонза, мес сон работай аф эсь мялса, те вонь аф кельгоз, то Карпань сельмос пиярихть тяфтама валхт:

«Апат те вса  
Аксют лаца,  
Сяльде улят  
Паваз садса».

Авторсь машть правдивайста няфтемонза лодырь образонц:

«Ну, откорь  
Карпа цёрась;  
Комлянь сталмонь  
Тевса ёрась  
Ярхамс-эрямс»;

«Якстерь Кремляв» стихотворениясонза Дурнов няфнесы, кода мохшенъ сире атысь арси «сивай» лишмоса ардомс Якстерь Кремляв, Сталинти и азомс тейнза спасибо сянкса, мес сон макссь павазу эряф. Сон спасибо азы аф аныпек эсь эздонза, а:

«Тейть, народонь вожденьке,  
Сань спасибо азома  
Эсьстон, идненъ сидиста,  
Уноконень лемняста».

Стихотворениясь пязезонза модемс сёрмафт цебарьста, образнайста, интереснайста, но мзярда атысь ушеды азондома сире эряфонц колга, сразу произведениясь юмафтсь эсь достоинстванц, лисихть газетнай, коське строкат, конат ламоксть ни морсефт, аф интереснайхть, лиякс марьгомс, схематичнайхть, штампованнайхть:

«Лама найф, нука кирнеф  
Ся сюнерьготф кизотненъ...  
Но Октябрьс торазевсь,  
Козятненъ ляцсь пизозост».

Сяда меле эряфсь тусь Солнечнай долинава.

Цебарь и нляне наизусть то надолить «Браткязти» стихотворениянц, коса братсь тумстонза братканти указвай, кода эрви вятемс пряце эряфса.

«Векценъ так етафне  
Сеелькс,  
Кода сон,  
Луднаса кяшфста.  
Ульхть везде тон оржа  
Пеелькс,  
Няевикс ульхть  
Зря-тяштекс».

Клеймондасыне ся ломаттненъ, конат:

«Мяляфтьк, ся мерзавец,  
Конац  
Мирса каныфти  
Аныпек эсь прянц,  
Конац васькафнемост  
Тонадсь

Ялганзон  
И эсь семеканц».  
Тяфта жа цебарьста сёрмафт «Марть 17-це шистонза», «М. Безбородовти» стихотворениятне.

Сборникть эса сембода оцю васта занчихть лирический стихотворениятне. Вии художественнай красаса авторти сёрмадовсть «Илять», «Калонь

кундайхть», «Теплушкаса Белоруссиява» и «Трудсь» стихне. Синь сёрмафт живой кяльса, лямбоста; лувомдост меле, синь лядыхть прият:

«Моньке мархтоост кштимакотан

Гармонизень мархта:  
Вдь од пингсь макссеви  
весь тейнек

Эряфоньконь архтомс».

Сборникста частушкатненъ колга афи сави корхтамска, синь кунара ни морсесазь од ломаттне.

Но эрви азомс сявок, што «Нюдить» эса улихть калдыав, «верок» стихотвореният, конатненъ, чем сувофтомс сборникти, эряфольхть васенда «верок вастсна» «пидемс», «лакафтомс» и максомс синь читательти духовнай пишакс. Тяфтама аф зрелай произведениякс ачихть «Ляфьфемат», «Тундась вьрес», «Ошса», «Кизефес» и аф пияк удачнай «Юрнайхть флакне».

«Ляфьфема» стихонза Дурнов сёрмады:

«Ся кизоть школаса  
Тонафненъ мон.  
Эх, эста фатямань

(Полатскоц 4-це стр.).



## ЕВРОПАСА, АФРИКАСА И АЗИЯСА ВОЙНАСЪ

(22-це майста военнай дейвиатненъ дневниксна)

22-це майнь карша веть германский авиациясь Англиять велькс изъ эвондакшне. Английский военно-воздушнай вийхне стане жа истъ тиенде налетт Германиять и сонъ оккупировандаф территориянзонланге.

\* \* \*

Активный военнай дейвиат молихть Средиземнай морять восточнай ширесонза. Крит островса, коза валгсть германский войска, молихть вишке бойхть. 21-це майста германский самолётне атаковандазъ английский военно-морской флотть крупной соединенинзон. Кода корхтай германский информационнай бюрось, бомбаса колаф фкя линкор, 6 крейсертх и фкя эсминец.

Севернай Африкаса моли активностна германский разведывательнай отрядтненъ Тобрукъ видеса. Соллунтъ районца — сетме.

Восточнай Африкаса, Абисинияса, герцогъ Аостанъ войсказон прянъ максомдот меле бойхне стаки молихть Аддис-Абебать эзда сйда юг ширеса.

\* \* \*

Иракса английский войскане молихть операцият иракский отрядтненъ кружамасон инкса, конат дейвондайхть Эль-Талуджа ошть районца.

Английский авиациясь тага бомбардировандазень сирийский аэродропненъ.

(ТАСС).

## Крит островса положениясъ

(Радиопередачась Лондонца)

Германиясь стаки аф лоткеси эсь войсказон Крит островти етафнемдот. Имперский войскактенди удалась фатямс пленц неприятельть лама солдатонц. Лондонца лувондсазъ, што 20-це майста вархмодеманъ шоворвалхтф 1.500 парашютиста башка, шинь берф планерста и самолета ульсь валхтф аф фкяда кржа воздушнай дивизия, кова ащи сисем тежяты ломаньца. Островть эса положеният марнек контролировандасы английский военнай

вийхненъ командованиясна. Немценди изъ удаля фатямс островть пяк оцю территорияц, но башка группатне молихть тюрема лама пунктов.

Сянь колга, што германский парашютистне шафтольхть новозеландецонъ формаса, корхтайхть Лондонца, то тя кизефксть решандама марнек ащи местнай командованиять кядьса, и «эряви арьсеме ня парашютистне улихть максфт военно-полевой суду».

(ТАСС).

## Общинанъ палатаса Иденонъ заявлениясъ

Кода азондсы Рейтер агентствась, иностраннай тевонъ английский министр Иден, общинанъ палатаса корхтамс-тонза, тисъ кеме предупреждения Францияти серьезнай последствитненъ колга, конат могут тиевомс ся случайста, кда Вишинъ правительствась тии дейвиат, конат тийхть

ущерб Англиять военнай усилиянзонды. Минь, марьгъ Иден, сйда пяк аф карматам эсь прянконъ обязаннайке лувондонза минь военнай планонконъ етафнемаса Франциюти оккупированнай или аф оккупированнай территориянзон эткса различиянь ванондомаса.

(ТАСС).

## АМЕРИКАНСКИЙ ПЕЧАТСЪ КРИТ ОСТРОВСА ГЕРМАНСКИЙ ТАКТИКАТЬ КОЛГА

Американский печатсь оцю мяль шарфни Крит островти германский войскактенъ планерса етафнемасон шири. Печатсь сёрмады, што тя техника въсенеца тиезе СССР-сь, а немецне тани использовандасазъ сонъ. «Нью-Йорк геральд трибюн» газетась печатлазе тянь колга сообщениятъ тяфтама заголовка ала: «Россиясь въсенецъ тиенденъ опыттненъ планерса войскактенъ етафнемаса». Газетась сёрмады, што Советский Союзъ 10 кизода тяда инголе тиендсь опытт планерса войскактенъ етафтомать коряс. Кой-кона опыттненъ пингета, сообщениятненъ коряс, фкя самолетъ буксирста ускъ 25-шка планер.

«Нью-Йорк таймс» газетась стане жа сёрмады, што Советский Союзъ лама кизода тяда инголе арасъ пионеркс военнай целенди планерхненъ использовандамаса. «Возможна, — сёрмады газетась, — што ниге ся пингть русский опыттне шарфнезъ германский военнай эксперттненъ мяльсон. Английский армиясь, кода няеви, изъ шарфне мяль тя русский опытть шири, американский армиясь прокс ашезе саяв мяльска сонъ».

(ТАСС).

## Германиясь веши, штоба саявомс американский дипломатический представительхненъ Парижста

Юнайтед Пресс агентствать сообщениятненъ коряс, Германиясь весть США-ть ширде, штоба саявомс сембе дипломатический представительхненъ Парижста 10-це июнь самс.

(ТАСС).



Тбилисский киностудиясь аделазе «Каджана» художественнай од фильма тиеманц. Фильмась няфнесы грузинский велень угнетеннай крестьянтненъ эряфсон XIX-це столетия песта.

СНИМКАСА: Фильма эзда кадр. Кержи ширеса А. Ковсадзе артистсь Ника старшина рольса.

Фотось ТАСС-ть.

## ЛОТЕРЕЙНАЙ БИЛЕТТНЕНЪ РАМАМАСНА

15-це лотерейнай билеттненъ реализациясна вишкста етазь Ачадовский средний школеса: марнек районца въсенецкс шумордазень билеттненъ мимасон. Миф билета 700 цалковайнь питне.

Сембода активнай участия билетонъ рамамаса примасть 5-це классонъ учениксъ Бесчастновсь, кона рамась 13 цалковайнь питне, 4-це класса

Крученковсь рамась 5 цалковайнь питне, преподавательхне — 318 цалковайнь питне.

Лотерейнай билеттненъ поддамасон чествъ ульсь организовандаф 3 уголок, етотгазета, коса цебарьста азонкшневсть лотерейнай билеттненъ значениясна.

Данакин.

Ширингушский район.

## УЧЕНИКОНЪ КОНКУРС

Инсарский педучилищаса аф пняк кунара ульсь етафтф рисованиять, радиоприемниконъ тиемать, моронъ и рассказонъ сёрмадомать коряс конкурсе. Училищанъ ученикне тя конкурсса примасть активнай участия. 3-це «Г» классонъ ученикне-комсомолецне Кулыгин Мишась, Фенин Бориссь тистъ ламповай радиоприемникт, физический и химический приборхт. Конкурсъ комиссияц

синь тя работасон лувозе цебаренди и максф тейст 75-нь цалковой премия. Тейст максф въсенеца вастъ. Омбоце вастъ сатозе Краешиков Виясь, кона рисовандась маслянной краскаса портрет. Конкурсонъ участникненъ эзда ламотне сёрмадсть морхт и рассказ.

Г. Зобнин.

## Мес аф работай библиотекась?

«Валда ян» колхозса ули библиотека, коса лама разнай литература: художественнай, политической, сельскохозяйственной. Тяда башка, улихть шашкат, домино, билиарт.

Но колхозникне юкстазъ ни, мзярда панчсезе библиотекать библиотекарь Деминац. Сонъ эфси аф заботендай библиотекать работанц колга и аф лувондсы тя тевть эрявиксонди.

Тяфта жа аф ватеви кодамовок работа колхознай клубса: сон фалу эрай пикстафста.

Колхозникненъ и од ламоттненъ оцю мяльсна культурнай кизефкненди. Эрь колхозникти пяк цебарь улець, кда сон луволь кодамовок книга или кулхондоль беседа международнай положеният колга; но синь мяльсна библиотекать и клубъ аф работаманц сюнеда аф пашкотыкшневхть.

Миронов, Дворецкий.

Пурдошанский район.

Ответ. редакторсь

И. ЧУДАЙКИН.

## Критика и библиография

## „Н Ю Д И“

Пленц Аполлон.

Нят, конешна, аф стихт, а кельме прозаический строкат, конат читательть седиецн сроду аф фатясазъ. Мезенди авторсь путозе Аполлон вальт — древнегреческий мифологиять коряс поэзиянь, кельгоманъ и мазышинъ шкайтъ. Кинди сон эряви? Или авторсь арьсезь од образ? Аф. Аполлоновъ образса пшксетольхть аныцек 18—19 веконь дворянский ламонц писательхненъ произведениясна, но сон козонга аф кондыти советский трудовой, героический поэзияти. Советский поэзиясь веши стама образст, стама стихонъ строй, кананъ мархта азовольхть народъ чаяниянза и переживаниянза. Аф стак Маяковский эсь творчествосонза керозень сире дворянский поэзиянь каноттненъ и максф стама поэзия, конац эрай советский ламаттненъ эрь шинь трудос и тюремасот. А кой-коста Дурнов эсь произведениязон эса морсесыне древнегреческий статуятненъ.

А вов мезе морай сон «Ошса» стихотворениянц эса: сась сон ошу и вельфканза лиендихть самолеттне, ваксканза, «утксвихть автотне» и авторъ пильгала «корхнии асфальтес» и вдруг ваны: ваксканза «портфельнясон яфчазъ этайхть студенткат» и фкясь мархтонза шумбраксть, и сйда тов авторсь сёрмады:

«Сонга тяса...

Катк мзолды мирсь!»

Ошса кажнайсь

Роднойкс тейне марсьсезь,

Сяс мес ёткесот синь

Кельгови стирсь.»

Дурновонъ лаца лисенди, што кда тя стирсь афоль уле тяса, то, наверна, авардель марнек мирсь!» што тяса аш «авторъ кельгомняц». А кда крхкаста варжакстат, то нийсак, кодама стиренькса «мзолды марнек мирсь!» Стихть эзда шархкодеви, што авторсь стирть нльне ашезе сотце инголе, коса эрай, и вдруг сонъ няезе, и апак корхтак, нльне стирсь изъ лотка, шумбраксть и авторти няеви, што мзолды тьякса

мирсь! Или вов «Кизефкс» стихотворениясонза сёрмады:

«Тушендыхть шитне,

Мельгаст — кизотне,

Тон аф сёрмадат:

Али сизеть ни?

— Ашень сизе мон...

Сяс перазе прась,

Мес обижаманъ

Сюдоф кельгомась».

Кинди эрявихть тяфтама стихне, кие синь лувсыне, кие синь мархтост эрай и воспитандави. Тя лисенди сяс, мес сон аф серьезнайста лувондсы поэзиять значениянц. Эрь од авторти эряви шархкодеме, кинди сон сёрмады, мезе ёрай ся сёрмафонц мархта тьемс. А минь, кой-коста мокшенъ литературасонк васьфневихть стама стихт, коса авторсь аварди, мес кадозе стирец, конанъ мархта аныцек вестъ ётазь площадьге.

Сборникъ эса оцю васта занцихть переводнай стихотворениятне: тяса и Лермонтовонъ, Коста Хетагуровонъ, Плещевонъ и народнай морхт Чапаевть колга.

Ламоц переводнай стихотворениятне няфнесазъ, што авторъ улихть оцю способностна переводнай тевти. Тянь

особенна валдста няфтсазъ Лермонтовонъ «Кафта великатт» стихоц, Коста Хетагуровонъ стихонца и илятне.

Но переводчиксь нолдась кой-кодама «грехт». Тя лисъ сяс, што кой-кона стихотворениятненъ лангса работась небрежна, эряскодозъ. Кальдявста етафтф Лермонтовонъ «Терекъ казненза» и «Ардыхть славнай Чапаевце» стихотворениятне. «Терекъ казнензон» эса ашезь максов Лермонтовонъ поэзияста художественнай краскатне, кяльть чеканностец, а лисъть коське строкат, лама вастста кальдявста рифмовандафт. Или вов:

«Тоса кяжи, злой чеченецъ

Пси кинжалонц эзда прай».

Оригиналтъ эса пси кинжал ёфси аф лятьфневи, авторсь тусъ правдоть эзда: кинжалъ аш кода лемдеме псике, коли сон кельме.

Тяфтама «погрешность» сборникъ эса сидеста васьфневихть, но синь аф значительнайхть. Но эряви лувомс ся, што тя сборниконясь ащи въсень аськолкске Дурновонъ творчествоса.

А. Малькин.